



सानसेयारि बड'सा

सानसेयारि "बड'सा" खरीलाइयाव
खमाजयारि जिउजो लोब्बा थावाय रायथाय, खन्थाय,
खल', खल'बाथा आबो दावबायारि थावनि, पार्क
बाइदिनि सायाव लिन्नाय लिन्दिदां दैथाय हर्/
सानसेयारि "बड'सा" खरीलाइया सेबखानावै
फोसावगोन।

बड'सायाव लिन्नायनि हुडा खालाम,
"बड'सा" खरी नैथो, जौ बयबो आंगो खालाम।

सानसेयारि बड'सा मावखलि

माइबु नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Saturday ★ 30 August, 2025 Kokrajhar, BTC, Assam ★ Vol.-35, Issue No.156 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

राज भवनखौ समायनायै आबुं महर होगोन : गिबि मन्थि मिरु नख 'र मन्थि अमित शाह आ राजभवननि ब्रह्मपुत्र उइं बेखेवदों

दिसपुर, 29 आगस्ट: आसामनि
बारग' गिबि मन्थि गलाप बरबरानि
100 बोसोरारि जोनोम सान
फालिथाइजों लोब्बा लाखिनानै
श्रीमन्त शंकरदेव कलाक्षेत्रनि
सावराय न'ब्लाडव मिरु नख 'र
मन्थि अमित शाहनि नुजाथिनायाव
दिनै खुनाय हाबाफारियाव गिबि
मन्थि छु हिमन्त विश्व शर्मा आ
बाहागो लायो। बे मेलआव बिबुंथि
लाखिनानै गिबि मन्थिआ उदांसि
दावहार, बारग' गिबि मन्थि गलाप
बरबरानिसिम आसामनि
थागिबिफोरनि जानानै गोसो गोबों
सिनिफ्राय मान बाउहरनायखौ
फोरमायदों। बारग' गिबि मन्थिनि



100 बोसोरारि जोनोम सान
फालिनाय हाबाफारियाव
नुजाथिनानै हाबाफारिनि
सोरबिथिखौ बांहोनायनि थाखाय

मिरु नख 'र मन्थि अमित शाहो
साबायख 'र बाउनानै गिबि मन्थिआ
फोरमायदों, मिरु नख 'र मन्थिनि
नुजाथिनाया बे फसंथानखौल'

गोगाथाव खालामाखै। आसामनि
थागिबिफोरजों बिथांहा गोथो

सोमोन्दो, अन्नाइ आरो हेफाजाब
होनायनिबो मोनसे मोकथां
बिदिन्थि। मिरु नख 'र मन्थिनि
नुजाथिनाया जौनि थाखाय मोनसे
जर 'खा थुलुंगाखां गदाव। मानोना
बियो जौखौ गोसोखांहोदोंदि,
गलाप बरबरा मुडा आसामनि
सिमानि सिडावल' बेंथेजानाय
नडा। भारतबर्षनि बेसेन गोसा
राजखान्थि आरो हादरनि
सुबुं'खान्थियारि बेसेन्थिखौ
रैखाथिनि जुजिनाय जारिमिनआव
बरबरानि मुडा सनानि हांखोजों
(□ 6 बिलाइआव)

भारतबर्षनि राजखान्थि आरो हादरनि सुबुं'खान्थिनि बेसेन्थि रैखा
खालामनायाव बरबरानि मुडा सनानि हांखोजों लिरजादों: गिबि मन्थि
मिरु नख 'र मन्थिनि नुजाथिनायाव बारग' गिबि मन्थि
गलाप बरबरानि 100 बोसोरारि जोनोम सान फालिदों



तामुलपुर जिल्ला खुंथाइआ
बिसायख 'थियारि पेस्टुन-पस्टार
साफायनायखौ लानानै बिथोन फोसावदों

तामुलपुर, 29 आगस्ट: फैगौ 22 सेप्टेम्बराव खुंजानो गोनां बिटिसि
बिसायख 'थिखौ लोब्बा लाखिनानै पेस्टुन, पस्टार बायदि साफायनायनि
सोमोन्दै माखासे खान्थिफोरखौ तामुलपुर जिल्ला बेंगिरि एबा जिल्ला
बिसायख 'थि बिबानगिरि पंकज चक्रवर्ती आ बिथोन फोसावथाइ होदों।
बेजों लोब्बा लाखिनानै साफायना आरो फोसावग्रानि मुं-थं बायदिफोरखौ
रोखायै लिरालासेनो जायखि-जाया बिसायख 'थियारि फोसाव बिलाइ
आरो पस्टारफोरखौ साफायनो एबा फोसावनो हानाय नडा। लोगोसे
जायखि-जाया बिसायख 'थियारि पस्टार साफायनो फोसावग्रानि सिनायथि
फोसावलाइ (सागान गोनां आरो बिथानि सिनायथिजानाय सानै सुबुंफोरनि
फोसावथाइ) खौ जमा होनांगोन। फोसावथाइनि उनाव थि समनि गेजेरवनो
फोसावलाइ आरो फोरमानलाइनि गांसे बिलाइखौ जिल्ला मेजिस्ट्रेटनिसिम
दैथायहरनांगोन। बेबायदि माखासे गोनांथार बिथोनखौ जिल्ला
खुंगिरिफ्राय तामुलपुर जिल्लानि गांसेबो प्रिन्टि प्रेसनि बिगुमाफोरनिफ्राय
दैथायहरनाय जादों। बे बिथोनलाइआव फोरमायबावनाय बायदिब्ला
जायखि-जाया सुबुडा बे आइनखौ नेवसियोब्ला बिथोनखौ आइननि गेजेरजों
6 दानसिम जोबथेसालिनि साजा, 2 रोजा रनि जुरिमाना आरो बेनिखुइ
गोब्राबसिन साजाबो मोननो हागौ होनानै फोसावदों □

फरायसाफोरनि गोब्राब नाजानाया जाफुंसार इयुननि थाखाय गोख्रों बिथा गायसनो: खोरोमदाव औवारी

कक्राझार, 29 आगस्ट: दिनै
खुंगा 26थि गोदान फरायसा बराय
फोबोखौ बड'फा इ.उ.ए.न.ब्रह्म
फरायसालिमा फरायसा आफादनि
बान्जायनायाव बड'फा
इ.उ.ए.न.ब्रह्म फरायसालिमायाव
सानसेनि ओथिगोनां हाबाफारिजों
खुंछुंबाय। बड'फा इ.उ.ए.न. ब्रह्म
फरायसालिमानि गोरायुं सिलाराय
मुसाहारिनि मासि लानानै
सामलायनाय ओथिगोनां
हाबाफारियाव गाहाइ आलासि महरै
(□ 6 बिलाइआव)



बड'फानि जोनोम थावनि दतमा बियाबआव बिपिएफ,
इउपिपिएल, बिजेपिनि गोहो आन्जादनि जुजिनाय
बिटिसिआव बिपिएफ दोलोआनो नाम्बार 1 आव थागोन: हाग्रामा महिलारि

कक्राझार, 29 आगस्ट: बिटिसि
बिसायख 'थिनि समआ
खाथिनिफ्राय खाथिसिन सफेनाय
लोगो-लोगोनो बड'लेण्डआव
मोनफ्रोमबो बियाबफोरावनो
राजखान्थि दोलोनि हाइ प्रफाइल
दैदेनगिरिफोरनि बिसायख 'थि
फोसावदिं हाबाफारिया
गोख्रोंनिफ्राय गोख्रोंसिन जानो
हमदों। बेजों लोब्बा लाखिनानै
बड'फानि जोनोम थावनि दतमा
बियाबखौ बे खेबआव दख'ल
खालामनायनि थाखिजों गोबां
दोलोनि नांथाबनायखौ नुनो मोन्दों।



जाहोनाव जुजिलायनाया दतमा
बियाबआव मोनसे नोजोर
बोथावना थासारि सोमजिहोदों।

मख'नो गोनांदि, बर' माहारिनि
सान्दाथि-मोन्दाथिजों लोब्बा गोनां
(□ 6 बिलाइआव)




SWAMI VIVEKANAND UNIVERSITY

[A State Private University established under Section 2(f) of the UGC Act, 1956, vide Notification No. LGL.25/2025/11 by the Government of Assam]

Admissions Open 2025 - 2026

Early Bird
Scholarship
30%



COURSES WE
OFFER

AVIATION, HOTEL & HOSPITALITY MANAGEMENT

- DIPLOMA IN AVIATION & HOSPITALITY MANAGEMENT
- ADVANCE DIPLOMA IN AVIATION & HOSPITALITY
- BACHELOR IN HOTEL MANAGEMENT
- B.SC. HOSPITALITY & HOTEL ADMINISTRATION
- BBA IN AVIATION MANAGEMENT
- MBA (HOSPITALITY MANAGEMENT)

100% PLACEMENT
ASSISTANCE

HUMANITIES

- B.A. , M.A. (ENGLISH)
- B.A. , M.A. (POLITICAL SCIENCE)
- B.A. , M.A. (SOCIOLOGY)
- B.A. , M.A. (HISTORY)
- B.A. , M.A. (ECONOMICS)
- B.A. , M.A. (PSYCHOLOGY)
- B.A. , M.A. (EDUCATION)
- BLIS , MLIS
- B.A. , M.A. (PUBLIC ADMINISTRATION)
- B.A. IN MASS COMMUNICATION

COMPUTER SCIENCE & IT

- B.SC. , M.SC. (COMPUTER SCIENCE)
- BCA (BACHELOR OF COMPUTER APPLICATIONS)
- MCA (MASTER OF COMPUTER APPLICATIONS)

SCIENCE

- B.SC. , M.SC. (PHYSICS)
- B.SC. , M.SC. (CHEMISTRY)
- B.SC. , M.SC. (MATHEMATICS)
- B.SC. , M.SC. (ENVIRONMENTAL STUDIES)
- B.SC. , M.SC. (BOTANY)
- B.SC. , M.SC. (ZOOLOGY)

COMMERCE & MANAGEMENT

- B. COM, M.COM
- BBA (ALL STREAM)
- MBA (ALL STREAM)
- BBA, MBA (HOSPITAL MANAGEMENT)



ADMISSIONS CLOSING ON 15TH
SEPT 2025. ENROLL TODAY!

6900674071 /
6900608541

info@svu.org.in /
svuassam@gmail.com

IT Park, Chandamari, Kokrajhar,
BTR, Assam 783370

svu.org.in

सुजुगिरिनि खोलोम

फोसावदिंनायाव सोदोबनि आंखाल

जोनि फिसा हालामआव जौगानायनि दाहारआ सोलाय बोनाय लोगो लोगोनो सुबुंफोरनि सान्नाय-हनाय, मावनाय-दोनाय, आजिनायनि लामाजों लोगोसे मोनफ्रोमबो हाबायावबो सोलाय बोनायखौ नुनो मोन्नाय जाबाय । सोलायनाय फेनायनि थाखायनो दिनें सुबुंफोरनि लाइफ स्टाइलआव सानफा-एफा गुबुन महर लानो हमदोंसे । सोलायनायल' नङ, नुफेनै, मिबथिनो मोने आरौ रेडेङ्खौबो सोलोंनानै लानो खाबु मोनबाय । उन गोरलैसोनानै थानाय जौनि बिटिसि हालामावबो मुलुगनि गुबुन जायगाफोर बादिनो समाजआरि बिजौनि गिदिर बिफाव फेनायखौ नुनो मोन्नाय जायो । समाजआरि बिजों फेनायनि सिगां सुबुंफोरनि जिउ राहाया मा बादिमोन आरो बे समआव बबे थाखोसिम सौफेङ्खो बेखौ सोलिफु थासारियानो दिन्थियो । समाजआरि बिजौनि गोहोमजों सुबुंफोरा जैर आखा-फाखा जालांदों बेबादिनो रौनायखौ बाहायनायावबो सिमना बारलांनयायखौ नुनो मोन्नाय जादों । आथिखाल समाजआरि बिजोंआनो मुलुगखौ दरसे थाबनि महरै होनाने खाथियाव बोन्शुमनानै लाबोदों । थानाय माखासे बोसोर सिगांनिफ्राय मुलुगनाङेनो टेक्न'लजिनि दिहुन्थाया जैर बांबोनो हमदों बेबादिनो बेनि बाहायनाय, अन्साइ जानायाबो सानफा एफाथैनो बांबोनायखौ नुनो मोन्नाय जादों । टेक्न'लजिनि दिहुन्थाय लेपटप, स्मार्टफोन बाइदिफोर आथिखाल सुबुंफोरनो खेबसे आसि थुगासेयावनो दुलायय मुलुगनाङेनि गासैबो इन्फर्मेसनखौ मोनफुनो हानाय खालामदों आरो डिजिटेल गियानखौ अखा मोफ्तामनाय बादि गोखेंथियाव लानानै होफेदों । बेनि हेफाजाबे सुबुंफोरा गोबांथार मुलाम्फा मोन्नो हादों । बेरफासै सानश्र'नो हायै खहाबो सुबुं हारिनि थाखाय लानानै फेदों । आथिखालनि मुगायाव गुबैयै लाइमोनल' नङ, गासै समाजखौनो जैरेबादियै टेक्न'लजिनि सायाव सोनारनो गोनां खालामदों, बेबादिनो देहायारि, गोसोयारि आरो मेलेमारि बिथिङवबो खहा फेनायनि एलार्मि होदों । सोलिफु समआव सुबुंफोरा समाजआरि बिजौनि सायावनो सोनारनानै गुबैयै बिसायख'थि फोसावदिंनायाव नांथाबनाय दोलो आरो देदेनगिरिफोरखौ नुनो मोन्नाय जायो । दासादि बिटिसिनि बिसायख'थि खुनो फैगौ 22 सेप्टेम्बर अक्ट्खौ थि खालामनाय जादों । बिसायख'थिनि अक्ट फोसावनायनि सिगांनिफ्रायनो माखासे सुबुंफोरा समाजआरि बिजौनि गेजेरजों थारथिखौ बिजिरनानै नायालासेनो गावसोरनि मोजों मोन्नाय-गात्रि मोन्नायखौ फोसावदिंनो थानानै बाहायनाङे सोदोब बाहायनाय खोनानो मोन्नाय जायो । फोसावदिंनायाव युक्ति गोनां, बाहायनो हाथावना सोदोब बाहाया लासेनो सोद्रोम गैयै राव, सोदोब बाहायनाया समाजनि थाखाय बेसेबां गनायथावसान्नो गोनां खालामदों । समाजआरि बिजौनि गेजेरजों गाग्लोबनो, सोंखारिनो आरो देरहानो थाखाय सान्श्र'नो हायै सोदोब बाहायनो हायो । युक्ति गैयै गात्रि सोदोबजों गाग्लोबनानै सुबुंफोरनि गोसो जै खालामनो हानांगीया आथिखालनि समआव गोब्राबसै । मानोना बे समाजआरि बिजौनि हेफाजाबैनो सुबुंफोरा मिबथियैखौ मिबथिनो हाबाया, नांगो जानाय गोनांथिखौ बुजिनो बिजरनो रेंबाय । बेखायनो सोगोमनाय, गोसा-गात्रि सोदोब आरो नंखाय बाश्राजों गाग्लोबनाय, बुरखायनायजों देरहानाय मोन्नांगीया गोब्राब । मानोना सुबुंफोरा सोलिफु समआव उन-सिगां जैरैबो नायसंनानै, सान्नाय थासरिजों गोरोबनानै थोखि लानो सानो । फोसावदिंनायाव बेखायनो सोदोब नागिरनानै मोनलायै आंखाल जानो नाङ । बेनि फिन्नायखौबो राइजो-राजा भटारफोरा इयुनाव होनो हायो ।

बिसायख'थि बोथोराव समाजआरि बिजौनि गेजेरजों खोनासंथावे बाश्रा सावरयनाय, नंज्लायनाय, सोंखारिलायनाय आरो आव-फाव दिन्थिनायफोरा समाजनि थाखाय बेसेबां गनायथाव जायो बे फासै सांघ्रां जानाया बयनिबो थाखाय गाहाम । समाजआरि बिजोंखौ गोबांसिनै लाइमोनफोरनो नोजोर लाखियो । दिनेनि लाइमोन हान्ज्यायनो गाबोन हादतनि, हारिनि दैदेनगिरि जाहेगोन । बेखायनो बिसोर लाइमोन हान्ज्यानो गोरोस्थनि लामा दिन्थियालासे थुलुंगाखोंनायनि बाश्राफोर सावरयनानै फोसावनायासो गोनां । समाजआरि बिजोंआव फोसावनो गोबांथार आयदाफारिफोर थायो । सोलिफु समआव जिउ खुंनाय आरो दानायनि बाइदिसिना राहा-लामा नागिरनायाव नांथाबो सुबुंफोरा । बिब्दियाव मदत फेनाय बादि समाजआरि बिजौनि गेजेरजों फययनाय, सोलोनाय, गेलेनायजों दावगानो हानाय लोगोसे आबाद मावनाय, दिहुन्नाय बाइदि मावनानै जौगानो हानायनि सुबुंफोरनो बिदिन्थिजों थुलुंगाखा होनायनि राहा लानो हायो । बिसायख'थियाव देरहानायनि थोखिजों आरो भटार सुबुंफोरनि गोसो गेलेमहोनो गात्रि सोदोब, जाथाय आरो खौरञ्चौल' सायख'-सायख'फोसावोब्लााल'दि देरहागोन बे नङ, गात्रि मोनजानायासो बांसिनगोन । मोजों थुलुंगा, युक्ति गोनां आयदाखौ लानानै फोसावोब्ला भटरफोर गोजोनगोन, थुलुंगा मोनगोन आरो मदतबो फैगोन । गोबां समआवनो गोनांथि गैयै बाश्राजों समाजआरि बिजोंखौ बाहायनानै फोसावोब्ला गावनि फासै खहा फैगोनखौसो नुहरो । बेखायनो आंथि गोनां बाश्रा आरो आयदाखौ लानानैसो फोसावनायसो जानांगौ ।

दिनैनि फान्जामुथि

राशि बाइदियै मुंनि गिबि हांखो

मेष : अ ल

वृष : ऊ ब (उ ए इ)

मिथुन : क ङ (ङ घ)

कर्कट : ड ह

सिंह : म ट

कन्या : प ट (ण ष)

तुला : त र

वृश्चिक : ब न

धनु : ध भ (ढ़ फ)

मकर : ख ज

कुम्भ : ग श (स)

मीन : द च (ख ञ झ)

मेघ: देहाया लोरबां जालांनो हागौ । जेरवबो दावगानो हानाय नङ । सांघ्रां जानांगोन ।

वृष: जैरैबो रंजा-बाजा खालामनो हागोन । सान्नायफोरा जाफुंगोन । दिनैनि सानआ मोजों ।

मिथुन: खामानिफोरखौ लानानै दावबायनानो हागौ । गोजोन मोनगोन । मोजों सान ।

कर्कट: मोजों मोनलायनायनि दौलेंआ गोरायैनो थागोन । फारफ्रोमबो मोजों । गोजोन्नाय मोनगोन ।

सिंह: लोगो दिगि जालायनाया बांलांगोन । अनलायनाया थाबाय थागोन । मोजों सान ।

कन्या: जेखि खामानिखौ मावा मानो गोजोन मोनगोन । नख'रनि सुखुआ थाबाय थागोन ।

तुला: बेफार फालांगि मावग्रानि थाखाय गाहाम सान । मुलाम्फा खालामनो हागोन ।

वृश्चिक: मोजों खामानि मावनानै गावनि आर्थिआवनो गाव गसंथानो हागोन । गोजोन मोनगोन ।

धनु: जेखि जाया बेरमआव गोलैबायनो हागौ । देहाखौ सांघ्राङै लाखिनांगोन ।

मकर: जेखियानो जाया शुभ हाबा मावनो हागोन । बे राशनि थाखाय मोजों सान । जिउआव जाफुंसारगोन ।

कुम्भ: मानिबा दायनि थाखाय साजा मोन्नांनो हागौ । जिगाया बांगोन । गोसोखौ हमथा ।

मीन: गोदान साखि मोन्नायनि आसा दं । मुलाम्फा खालामनो हागोन । मोजों सान ।

सिडब्लिउआरसि काजिरङ्काआ हाग्रानि जिव-जुनात रैखाथि महरै 23 बोसोर आबुं जाबाय

गुवाहाटी, 29 आगस्ट: हाग्रानि जिव रैखाथि मिरु (सि ड ब्लि उ आ र सि) , काजिरङ्काआ भारतनि गिबि आरो मोनसेल' । बेबादि मिरु महरै गावनि बाउसोमनाय सिबिथायखौ 23 बोसोर आबुं खालामबाय, जाय जर'खायै हाग्रानि जुनातफोरखौ रैखा खालामग्रा, दोनहैफिन्नाय आरो रेहायनि मिरु । थानाय 2002 आव गायसन्नाय बे मिरुआ 9,500 निखुइ बांसिन जिव रैखा खालामनाय के सफोरखौ सामलायो, जायफोरनि गेजेरव 63 जौखोन्दो जुनातफोरखौ जाफुं'सारै हाग्रायाव सि ड ब्लि उ आ र सि खौ दो न है फि न बा य । काजिरङ्कनि बोसोरारि दै बाना, मिज'राम हादतआ बयनिखुइ बांसिन एइचआइभि गोसारनाय राज्यो जाबाय

आइजल, 29 आगस्ट : मिज'रामनि देहा मन्थ्रि लालरिनपुइआ बृहस्पतिबारखालि बिधान सभायाव मिबथि होयोदि, थानाय 5 खावसे बोसोराव मिज'रामआव एक्वार्ड इन्युनडेफिशिएन्स सिन्ड्रम (एइड) जों सोमोन्दो थानाय जेनाफोरनि जाहोनाव गासै सा 3,000 सुबुं'फोरनि जिउ गोमाबाय । बेरेखा दोलो मिज'नेशनल फ्रन्ट (एमएनएफ) नि आफादगिरि के लालदावंलियानानि मोनसे सोंथिनि फिन्नायाव मन्थ्रिया बुडोदि, 2020 निफ्राय जुलाइ 2025 नि गेजेरव एडसजों सा 2,996 सुबुंफोरा जिउ गोमादों । बांसिन थैनायखौ 2023 आव गासै सा 632 थिसन्नो मोन्नाय जादों, बेनि उनाव 2024 आव सा 561 आरो बे सोलिफु बोसोरनि जुलाइ दानसिमाव सा 295 सुबुं'फोरनि थैनायखौ थिसन्नाय जादों । बेनि गेजेरव सा 11,032 सुबुं'फोरखौ एइचआइभि पजिटिभ मोन्नाय जादों, जेराव 2025 आव सा 611 गोदान केस मोन्नायाबो दंफायो । आथिकालाव मिज'रामआव सा 1,928

इजराइलनि सान्थि आरो हामासनि गेजेराव गाग्लोब लायनाया सोलिगासिनो

येरुजालेम, 29 आगस्ट : गाजा पट्टीनि देरसिन सहर गाजा सिटिआव इजराइलनि सान्थि अपारेशना सोलिगासिनो दं । बृहस्पतिबार मोनायाव सहराव इजराइलनि बम गावनायाव सा 16 सुबुंफोरा जिउ गोमादों आरो माखासे सुबुं'फोरा जोखोम जादों । अदेबानि फिलिस्ताइन ओन्सोलाव इजराइलनि गाग्लोबनायाव गासै सा 71 सुबुंफोरा जिउ गोमाबाय । इजराइलनि सान्थिया बुंदोंदि, हामास आरो गुबुन हादतयारि अ । फ । द फ । र ख । पै फोजेबसांनयनि गाजा पट्टीयाव अपारेसना सोलिबाय थागोन ।

गाजानि खोला बाहागोयाव थानाय रैखाथि जगायग्रा मिरुआव जाग्रा आदार लायनो थानाय सुबुं'फोरनि सायाव इजराइलनि फायरिं खालामनायाव साब्रै सुबुंफोरा जिउ गोमादों आरो सा 27 सुबुं'फोरा जोखोम जादों । गाजायाव अक्टबर 2023 आव फोसावनाय इजराइलनि नायबिजिनायाव दासिमाव 62 रोजानिखुइ बांसिन सुबुंफोरा जिउ गोमाबाय । जिउ गोमानाय सुबुंफोरनि गेजेरव बांसिनानो आइजोफोर आरो गथ'फोर । अदेबानि जाग्रा बेसादफोरखौ होबथानायनि जाहोनाव

गाजायाव सा 317 सुबुंफोरा उखैहाबनायजों जिउ गोमादों । थैनायफोरनि गेजेराव सा 121 गथ'फोर दंमोन । गाजा पट्टीनि देरसिन सहर गाजा सिटिआव इजराइलनि अपारेशना जागायबाय । मंगलबार-बुधबार मोनायाव इजराइलनि सान्थिनि टेंकआव गुलि गावनानै गाजा सिटिनि सिमनायाव हाबफैयो आरो बिसोरनि गाग्लोबनायजों फिलिस्ताइनि लांदां जानानै थानाय न'फोरा सिलिंखार जालांनो जागायदों । माखासे जायगाफोराव सान्थिफोरा हामासजों थोंजोङै गाग्लोब लायगासिनो दं ।

जाय मोनफ्रोम मौसुमि बोथोराव रोजा-रोजा जुनातफोरखौ न' गैजायै आरो जोखोम खालामो, बेनि थाखाय मोनसे इमार्जेन्सि हाबाफारि महरै गायसन्दोंमोन । गोबां बोसोरनिफ्रायनो बेयो आसाम हाग्रा बिफान, डब्लिउटिआर आरो आइएफएडब्लिउनि गेजेरजों हेफाजाबनि मोनसे मडेल महरै बाहायबोदों । काजिरङ्का नेसनेल पार्कआव थानाय बे मिरुआ गान्दा, मैदेरनि फिसाफोरखौ लानानै गुबुन जुनातफोरखौ नोजोर लायो । बेयाव मावरिया मैदेरफोर,

हाग्रानि मैसो आरो गोसोम मुफुरफोरखौ सिडब्लिउआरसिनि जोथोन लानायाव हाग्रायाव हगारफिनो । बोसोरफ्रोमबो काजिरङ्काआव फेनाय गिख्रंथाव दै बानानि समाव सिडब्लिउआरसिआ मोनब्रै बाउसोमग्रा आफादफोर आरो अरायथा नङै केम्पफोरनि गेजेरजों सा 30-40 जुनात फाहामगिरि, जोथोन लागिरि आरो सिबिचारिफोरखौ बुथुमो । मोनफ्रोम दै बाना बोथोराव एभारेस्टयै गासै 700 निखुइ बांसिन जुनातफोरखौ रैखा खालामनाय जायो ।

सुबुंफोरा एडसजों भुगिनानै दं, अदेबानि एइचाइभिजों भुगिनाय सुबुंफोरनि गासै अनजिमाया सा 19,837 जानानै दं । बेनि मादाव सा 18,694 एन्टि-रेट्रभाइरेल थेरेपि (एआरटि) जों सोलिनानै दं आरो सा 1,143 सुबुंफोरा फाहामथाइ लायाखै । मिज'राम राज्योआव अक्टबर 1990 निफ्राय 5,632 एडसजों सोमोन्दो गोनां थैनायनि खौरां

बोथोरा फैलाइबाय

होम..... ।

बनि अनगायैबो दंबावो एरसनलायनाय बाश्रा । सोरबा मेगन सनानै आरो सोरबा गावनि आंखांमखौ सेनानै जासिगोन सान्नानै । बनि सायावनो सोरबा एसे गुदि संनो हाहांग्राफोरा रागाजोंनानै बुंगोन- बे फागिल बैथालिया मानो बेबायदि एरसननांगौ जाखो- फागिलयालाय...., बेबायदि बुंनानै हराब्लानो जाथारबायमोन फागिल मोदाय अरनाय बिफानि बिसिया ।

आरोबाव जेब्ला फागुन सैश्रआ जोबगोन बे समाव फैलायगोन दाहोना रुवाथिफोरनि दिन । गोदान बोसोरजों लोगोसे जुलि लानायफ्राबो ज्राव ज्राव । सोरबा सोरबा बबेबा माहाजोननाव थाजाबलायनाय आरो सोरबा एसे एसे मोजों मोनलायनाय बेफोरबो..... । सासे लाग्रोब्लानो बनि गरमजोंनो बै आरो बैनि गरमजोंनो बै गुबुन सासे । सोरखौ सोर मा बुंनो लारि लारि फारि फारि ।

मादि मोजों नुहुरो (5 बिलाइआव)

ACHIEVEMENT

Mr. Gwmwthao Narzary has been awarded the Degree of Doctor of Philosophy (Ph.D.) in Humanities and Social Sciences by Central Institute of Technology Kokrajhar (Deemed-to-be University) for his thesis entitled “Energy Poverty-Multidimensional Approach: A Case Study in Bodoland Territorial Region of Assam”. He carried out his Ph.D. under the supervisor of Dr. Gunajit Sarma, Associate Professor, Department of Humanities and Social Sciences, Central Institute of Technology Kokrajhar. He is the youngest son of Mr. Priyajyati Narzary and Mrs. Munjula Narzary of Vill.- Bhtuiapara, P.O.- Dumariguri, P.S.- Dotma, Dist.- Kokrajhar, BTR, Assam-783347. He is the younger brother of Mrs. Kahima Narzary and brother-in-law of Dr. Ranjit Basumatary. He currently works as an Assistant Professor in the Department of Economics at Runikhata College,

गाहाम देहानि राहा

आनारस फिथाइआ केन्सार बेरामखौ जानगार खालामो

आनारसखौ गुसु आरो गोजां बोथार मोनैबो सिजेनयाव मोन्नाय जायो। आनारस फिथाइआव भिटांमिन आरो प्रटीनखौ थोजासे बिबांनि मोन्नाय जायो। गाहायाव आनारस फिथाइनि माखासे गुनखौ फोरमायनाय जाबाय–

(1) आनारस फिथाइआव ब्रमेलेन थानायनि जाहोनाव बेयो देहा सोलेरखौ केन्सार बेराम जानायनिफ्राय रैखाथि होयो। आनारसखौ गोबां स्टाडी खालामनायाव गासिबो मोन्नो हादोंदि आनारस फिथाइआव केन्सार बेरामखौ होबथानो हानायनि गुन दं।

(2) आनारस फिथाइआव मेगनेसियामनि बिबांनखौबो गोबां बिबांनि मोन्नाय जायो जाय हारा–बेगेंखौ गोखोंयै लाखियो। बेनि अनगायैबो बेवहाय प्रमेलन कम्पाउन्ड थायो जाय हारा–बेगेंनि बेरामखौ जानगार खालामो।

(3) आनारसयाव केलरीनि बिबांआबो खम थायो आरो बेवहाय गोदैआबो खम थायो। जेराव सुगार लेबेला बांनो हाया। आनारसखौ डाइबिटीज गोनां सुबुंफोरा डाइट खालामनायावबो लाफादेनो हायो।

(4) बिखायाव जे'ना सोमजियोब्ला आनारस फिथाइखौ जानो हायो।



आनारस फिथाइआ बडिनि एलडिएल कलेस्ट्रलखौ खम खालामो मनोना गाजि कलेस्ट्रलजों बिखानि बेरामनि खैफोत जानाया बांसिनो।

(5) आनारसआव फाइबरनि बिबांआबो गोबां थायो जायखौ जाब्ला डाइजेस्टयाबो मोजां रोखोमै जायो। आनारसआव ब्रेमेलन थानायनि जाहोनाव नाडै एसिडया बाइजोयाव ओंखार लाडो जेराव डाइजेस्टिब सिस्टेमआबो थि रोखोमै थायो। बेजों उदैआबो देरा।

(6) आनारस फिथाइआव एन्टीया अक्सीडेन्टनि बिबांआबो गोबां थायो, जाय बैसो जाब्ला मोखांआ हुइजु–हुइजा जानाय आरो दागो ओंखारनायखौ जानगार

खालामनायाव मदत खालामो। लोगोसे भिटांमिन सि कलाजेन बानायनायावबो मदत खालामो आरो बेनि प्रटीनआ स्किन ग्लोखौ बांहोयो। जुदि मोखांनि महरखौ जोंखोल खालामनो लुबै योब्ला आनारस फिथाइखौ सामफ्रामबो जानांगै।

(7) आनारसयाव ब्लमेल थायो जाय एन्टी इन्फ्लैटरी, एन्टी अक्सीडेंट आरो फाइबर थोजासे बिबांनि थायो। आनारस फिथाइआव मोन्नाय कम्पाउन्डया इन्युम सिस्टेमखौ बांहोनायाव मदत होयो। आनारस फिथाइआव भिटांमिन सि थायो जाय देहा सोलेराव फिसा–फिसौ जे'ना सोमजिनायखौ जानगार खालामो।

टिभि सिरियाल हातिमनि फावखुंग्रि पुजा धाइनि गोदान लुकआ सिगांनिखुइ गोबां सोलायबाय

2000 माइथायनि समाव टिभिआव माखासे स्व'फोर फैदों, जाय नायगिरिफोरनि गोसोआव नेरसोन गालांदों, जायखौ दासिमबो हुखुमोरनो हायाखै। टिभि सिरियाल हातिमआबो बेफोरनि मादाव मोनसेमोन। बेयो मोनसे समाव न'–न'आव नायजानाय स्व' जाबायमोन, जाय गावनि जादु आरो रमान्टिकजों नायगिरिफोरनि गोसोखौ देरहानो हादोंमोन। बे स्व'नि मोनफ्रोम फावखौ नायगिरिफोरा गोसोआव दं,



नाथाय बेनि मादाव मोनसे फावआ ओरैबायदिमोन, जाय

कुम्भ मेलानि जानाय मनालिसा भसलेआ माला यालम नागम्मा सावथुनजों डेब्यु खालामगोन



कुम्भ मेलानि सुन्दुरि महरै मुंदांखा जानो हानाय मनालिसा भसलेआ मालायालम सिनेमायाव डेब्यु खालामनो थाखाय थियारि। बिथाडा गावनि गिबि सावथुन 'नागम्मा'खौ मुंसाइ होदों, जेराव बिथाडा फावखुंग्रु कैलाशजों लोगोसे फाव खालामगोन। बे मावबिथारिनि थाखाय धोरोमारि पुजा फोबोंखौ बावैसो सिगां कच्चिआव खुंफुंनाय जादों, जायजों लोगोसे सावथुनआ मावख'यारि महरै जागायबाय। मनालिसानि सावथुन मुलुगाव आगान होनाया बे बोसोरनि जागायनायाव कुम्भ मेलानि समाव भाइरेलजों मुंदांखा जानाय उनाव जादों, जाय हादतनाइेनो साफ्रोमनि नोजोरखौ बोनो हादोंमोन। 'नागम्मा' सावथुना बिथानि एक्टिं केरियारनि आगान सुजेनाय सावथुन जागोन।

गाजायाव धर्ना होनायनि गेजेराव भेनिस फिल्म महाउत्सभखौ जागायबाय

मुंदांखा भेनिस फिल्म महाउत्सभआ बुधबारखालि पाअल' सरेनटिन'नि सावथुन ला ग्राजियानि प्रिमियारजों लोगोसे जागायबाय। 82 थि एडिशनआव जर्जक्लु, जुलिया रबर्टस आरो डवेन जनसन बायदि माखासे हलिउड महरगिरिफोरा बाहागो लाहैंदों। एपिनि रिपर्टनि बायदिब्ला, गाजानि दावहाया परिसरनि बायजो आरो प्रेंस कन्फ्रेन्सआवबो सावरायनायाव थादों। लिडआव खुंफुनाय महाउत्सभआव ला ग्राजियाजों जागायदों, जेराव टनि साभिलआ थांखि लायै



थासारिजों भुगिबाय थानाय सासे इतालभि हादतगिरिनि बिफाव होदों। सरेनटिनआ

बुडो, बेयो मोनसे सानस'नो हायै गोनो–गोथो जाना थानायमोन, जायखौ

मिबिथिहोनाया मुजिथावना जागौमोन। आं गोबाव बोसोरनिफ्रायनो सानगासिनो दंमोनदि, बोसोनारि दुखु मोन्दांथिफोरनि सल'आ बुनो थाखाय जोबोद मुजिथावना जायो। भेनिस फिल्म महाउत्सभनि बिथोनगिरि अल्बाट् बारबेरायाआ पुपिनो मिबिथि होयोदि, ला ग्राजिया मोनसे गोमोथावना बाहागोमोन। बेयो मोनसे आलादा सरेनटिन, जायखौ जों नायबोगासिनो दं। बिथाडा बुंवावोदि, बेयो बिथानि सिगांनि सावथुनफोरनिखुइ रुजुनायाव जोबोद बाडइ बारक आरो नेम–खान्थि गोनां। बेयो

मोनसे सानस्लाबै सल'। ला ग्राजियाआ गाहाइ बादायलायनायाव थाफानाय मोन 21 सावथुनफोरनि मादाव मोनसे। गल्डेन लायन बान्थानि थाखाय डेन टर'नि फ्रेंकस्ताइन' बिगेलनि 'ए हाउस अफ डायनामाइट'यगस लेंथिमसनि 'बुगनिया' आरो गुबुन माखासे सावथुनफोराबो नमिनेट जादों।

के–पप डेमन हान्टार्स सावथुना नेटफ्लिक्सनि बयनिखुइबो बांसिन नायजानाय सावथुन जादों

नेटफ्लिक्स अटिटनि मुंदांखा प्लेटफर्म्सफोरनि मादाव मोनसे, जेराव सानफ्रोमबो गोदान सावथुनफोर आरो वेब सिरिजखौ नुनो मोनो। नाथाय बावैसो सिगां खोंरं फैदोंदि, के पप डिमन हान्टार्सआ डाने जनसन, रयान रेनल्डस आरो गल गेडतनि रेड नटिसखौ फेजेन्नो हादों। नेटफ्लिक्सनि कम्पेनियन वेबसाइट टुडुमनि बायदिब्ला, सनि पिक्चार्स एनिमेशननि एनिमेटेड मिडजिकेलनि पप डिमन हान्टार्सआ दासिमाव 236 मिलियन भिउस मोनखांबाय। नेटफ्लिक्स शेयार खालामनाय अनजिमाफोरनि बायदिब्ला, थांनाय सप्ताहआव 25.4 मिलियन भिउजजों लोगोसे, के



पप डिमन हान्टार्सआ इंग्रजि सावथुनफोरनि फारिलाइआव नाम्बार वाननि बिमुं मोनखांबाय। बबेखानि नेटफ्लिक्सआव बयनिखुइ बांसिन स्ट्रिम खालामजानाय मोनबा सावथुनफोरा जादों के–पप डेमन हान्टार्स, रेड नटिस, केरी–अन, डन्ट लुक आरो दा एडम

प्रजेक्ट। के–पप डेमन हान्टार्सनि गासै 236 मिलियन भिउज दं। अदेबानि रेड नटिसनि 230.9 मिलियन भिउजमोन। के–पप डेमन हान्टार्सआ मोनसे के–पप गार्ल ग्रुपनि बागै बानायनाय मोनसे एनिमेटेड मिडजिकेस फेन्टासि। के–पप डेमन हान्टार्सआ बिलवर्ड हट 100

आव खनसेनो मोनब्रै सिंगेल्स थानाय गिबि साउन्ड ट्रेकबो जादों आरो थांनाय सप्ताहआव सिनेमा हलफोराव सिंलं भार्जन रिलिज जानायनि उनाव बक्स अफिसआव नेटफ्लिक्सनि गिबि नाम्बार 1 जायगाखौबो आवग्रिनो हादों।

श्यामी कापुरखौ बक्स अफिसनि चुम्बक होन्नाय जायोमोन

60 जौथायाव बलिउडआव श्यामी कापुर, राज कापुर बायदि सुपार स्टारफोरनि मुड दंमोन। बबेखानि बे समाव देव आनान्दजों लोगोसे जयै लोगो नांनानै बिथानिमोनहा गावसिनि रेंग'थिखौ मोसानाय आरो स्टाइलनि गेजेरजों पर्दाआव दिन्थिदोंमोन। जंगलि सावथुननिफ्राय लानानै चाइना टउन कश्मिरी की कली आरो जानवर बायदि कल्ट क्लासिक सावथुनफोरा श्यामी कापुरनि स्टारडमखौ सोलिहोबोदों। बिथानिखौ बक्स अफिसनि चुम्बक बुंनाय जायोमोन, जाय नायगिरिफोरखौ सिनेमा हलफोराव बोनानै लाबोनो हायोमोन। नाथाय साफ्रोम सुपास्टरयनि जिउआ मोनसे सम फैयो, जेराव माखासे सोलायनायखौ नुनो मोनो। नायगिरिफोरा गुबुन फारसेथिं

गोसो बोलांनो हमोमोन। बिब्दिनो माखासे श्यामी कापुरजों लोगोसेबो जादों। सावथुन मुलुगाव जेब्ला राजेश खान्नाया गोदान सुपार स्टारनि टेग मोन्दोंमोन अब्ला, बलिडनि मुंदांखा भिलेन आशिष बिद्यार्थीनि सिद्धार्थ काननजों लोगोसे जर'खा बाभ्रा सावराय लायनायाव गोसो खाडोदि, श्यामी कापुरजों लोगोसे बिथाडा गोबाव बोसोरसिम खामानि मावबाय थादोंमोन। सानैजों शारजाह



सावथुनाव लोगो मोनलायदोंमोन, जेराव आशिषआ टिभि सिरिज दास्ताननि सुटिं खालामगासिनो दंमोन। श्यामी कापुरआ

बेवहाय गुबुन मोनसे प्रजेक्टनि थाखाय प्रडिउसारजों लोगोसे फैदोंमोन। बे समाव बिथाडा लेजेन्डजों लोगोसे बाभ्रा सावरायनो खाबु मोन्दों।

मिरुआरि हान्जा मेला–बिफाना लामा जाब्रबथाइजों जिउ गोमानाय बांनायनि सायाव जिंगा सिदों

गोदान दिल्ली, 29 आगस्ट : लामा जाब्रबथाइफोरनि जेंना बांनाया जिंगा सिथावना जादों। मोनसे रिपर्टनि बायदिब्ला, हादतआव घन्टयाव खमैबो मोन 55 लामानि जाब्रबथाइ जागासिनो दं, जेराव सा 20 सुबुंफोरनि जिउ

गोमागासिनो दं। 2023 माइथायनि 4.80 लाख लामानि जाब्रबथाइ जादों, जेराव 1.72 लाख सुबुंफोरनि जिउ गोमादों। मिरुयारि लामा एबा हान्था–मेला बिफाना जाब्रबथाइयाव 4.2 जौखोन्दो बांनायाव जिंगा सिनाय

फोरमायदों। पुलिस बिफाननिफ्राय मोन्नाय अनजिमाफोरनि बायदिब्ला, 2023 आव 4,80,583 लामानि जाब्रबथाय जादों। बेवहाय 1,72,890 सुबुंफोरा जिउ गोमादों। बिफाना लान्थियै ब्रै



बोसोर लामा जाब्रबथायफोराव बांसिन लाइमोनफोरनि जिउ गोमानाय बांनाय केसफोरनि सायाव जिगां सिनाय फोरमायदों। बिफाना बुडोदि, 2023 आव 18 निफ्राय 45 बोसोरनि 66.4 जौखोन्दो

लाइमोनफोरा लामा जाब्रबथाइयाव जिउ गोमादों। लामा जाब्रबथायाव जिउ गोमानाय 1,72,890 सुबुंफोरनि गेजेराव 31.2 जौखोन्दो एबा 1,50,177 नि जिउ गोमानाय माहारियारि रजा लामायाव जादों।

जेन्नाफोरनि गेजेरावनो भारतनि फुटबल हान्जाया सिएएफए नेसन्स कापआव औखारदों

गोदान दिल्ली, 29 आगस्ट: भारतनि फुटबल हान्जाया सिएएफए नेसन्स कापआव गिबियै आगान होजेन्नो थिरांथा लाबाय। जेराव गिबियै भारतनि हान्जाया बान्जायगिरि ताजिकिस्ताननि हें थायै गावसोरनि गेले नायखो जागायगोन। गोदानै सायख'जानाय कच खालिद जामिलनि थाखाय बेयो मोनसे सेलेन्जनि टुर्नामेन्ट जागोन। गासै दर 8 हादरफोरनि बे टुर्नामेन्टआ 9-14 अक्टबरनि गेजेराव सिंगापुरनि हेंथायै जानो गोनां एसियान काप क्वालिफायरनि जर'खा थियारियारि मेचनि थाखाय हान्जानि जौगानायाव बिहोमा जगायगोन। बे टुर्नामेन्टआव बांसिनै गेजेर



एसियानि हादरफोरा बाहागो जागोन। भारतीय फुटबल फेडरेशननि सायाव सोलिफु समाव बेन खालामनायनि हुमखिआ फारफ्रोमर्थिनफ्राय नारसिन्नो हमदों। जामिलआ महन बागान सुपार जइन्टसनि

कामरुप आरो गवालपारानि हान्जाया अल आसाम बास्केट बल सेम्पियनसिपआव देरहानो हादों



गुवाहाटी, 29 आगस्ट: हजाइआव खुंजानाय अल आसाम इन्टर डिस्ट्रिक्ट साब जुनियर (आन्डर-14 हौवासा आरो हिन्जावसा) बास्केट बल सेम्पियनसिपआव कामरुप मेट्रनि हान्जाया सेम्पियन जानो हादों। हिन्जावसाफोरनि केटेगरिआ कामरुप मेट्रनि हान्जाया देरहानो हादों। बेराफासँ हौवासाफोरनि केटेगरिआव बे हान्जाया ब्रन्ज मेडेलजोंनो गोजोन्नादों। बेराफासँ गुवाहाटी स्पर्ट्स एस'सिएसनआ हौवासाफोरनि केटेगरिआव रुफा आरो हिन्जावसाफोरनि केटेगरिआव ब्रन्ज मेडेलजों गोजोन्नादों। बे फारिआव हौवासाफोरनि केटेगरिआव गवालपारानि हान्जाया सेम्पियननि टूफीखौ दैख्दां आरो हिन्जावसाफोरनि केटेगरिआव गलाघाटआ रुफानि मेडेल देरहानो हादों।□

सिनारआ लान्थ्रियै बाथि खेब इउएस अपेननि थामथि राउन्डआव

वाशिंग्टन, 29 आगस्ट: मुलुगनि नम्बर 1 आरो सोलिफु सेम्पियन यानिक सिनारआ इउएस अपेननि थामथि राउन्डआव सौहैबाय। सिनारनि थाखाय बेयो ग्रेन्डस्लेमआव हार्ड कर्टआव लान्थ्रियै खेब 23थि देरहानाय। आमेरिकानि बेन सेल्टनआबो हौवाफोरनि सिंगेल्सनि थामथि राउन्डआव सौहैबाय। बेराफासँ इगा स्वियातेक, नाअमी असाका आरो कक गफआबो आइजो सिंगेल्सनि थामथि राउन्डआव सौहैनो हाबाय। सिनारआ नैथि राउन्डआव अस्ट्रेलियानि एलेक्सि पपिरिखौ 6-3, 6-2, 6-2 स्करआव फेजेनो। बे खेबनि राउन्डआव बिथाडा कानाडानि डेनिस सापभालभजों जागोन। सिनार आरो डेनिसनि गेजेराव खेबसेल' बादायनाया 2021 नि अस्ट्रेलियान अपेनआव जादों। जेराव सापभालभआ खेबबा सेटआव सिनारखौ फेजेन्दोंमोन। गुबुन मोनसे बादायनायाव सेल्टनआ स्पेननि पाब्ल करेन'थौ थोंजों सेटआव फेजेन्नानै थामथि राउन्डआव गावनि मासिखौ लादों। जेराव बिथाडा पाब्लखौ 6-4, 6-2, 6-4 स्करआव फेजेन्दों। मुलुगनि नम्बर 3 इगा स्वियातेकआ थामथि राउन्डआव सौहैनाय लामायाव नेडारलेन्डनि सजान लेमेन्सखौ 6-1, 4-6,



6-4 स्करआव फेजेन्दों। आमेरिकानि कक गफआ दना बेकिचखौ फेजेन्नानै थामथि राउन्डआव सौहैदों। बे देरहानायजों गफआ लान्थ्रियै ब्रैथि खेब इउएस अपेननि थामथि राउन्डआव सौहैदों आरो

2023 नि सेम्पियन महरै 28 थि रेंकिनि मेन्डिलेना फ्रेन्सजों गावनि बादायनायखौ थि खालामनो हायो। बेसमाव बारा' नम्बर 1 नाअमी असाकाआ आमेरिकानि हेलि बेप्तिस्खौ 6-3, 6-1 स्करआव फेजेन्दों।□

सुर्य कुमार यादवआ जारिमिन सोरजिनो खाबु मोन्दों

गोदान दिल्ली, 29 आगस्ट: टी-20 एसिया कापआ जागायनो बारा गोबाव सम गैलिया। भारतनि हान्जाया गावसोरनि गिबि मेचखौ फैगौ 10 सेप्टेम्बरखालि इउएङनि हेंथायै गेलेगोन। जानो गोनां बे टुर्नामेन्टनि थाखाय भारतनि कामानखौ सुर्य कुमार यादवआ सामलायगोन। जेराव बिथांनि दैदेन्नायवनो थानाय माखासे समनिफ्राय भारतआ गोख्रोडै दिन्थिफुंदों। सुर्य कुमारआ दासिमआव टी-20 हास्मियायारि क्रिकेटआव गासै खेब 146 ड' रान लाबाय। जुदि बिथाडा जानो



गोनां एसिया कापआव खेबब्रै 6 रान लायोब्लानो गावनि 150 टी-20 ड' रानखौ आबुं खालामगोन। दासिमआव भारतनि थाखाय सासेल' बेटसमेनआ टी-20 हास्मियायारि क्रिकेटआव खेब 150 निखुडि बांसिन 6 रान लाबाय। रहित शर्माआ टी-20 हास्मियायारि

क्रिकेटआव दासिमआव खेब 205 ड' रान लाबाय। बेनि अनगायै टी-20 हास्मियायारि क्रिकेटआव खेबब्रै 6 रान लायोब्लानो सुर्य कुमारआ गोख्रों बेटसमेन ग्लेन्ड मेक्सवेल (खेब 148) आरो निकलास पुरन (खेब 149) खौबो उनाव लाखिगोन।□

किर्गिस्तान रिपब्लिक, तुर्कमेनिस्तान आरो अमानआबो थाफागोन। जेराव मोनफ्रोम युपनि टप हान्जाफोरा फाइनालनि थाखाय गावजों गाव बादायलायगोन। बेराफासँ नैथि मासिआव थानाय हान्जाफोरा थामथि मासिनि थाखाय मेच गेलेगोन। जामिलआ टुर्नामेन्टनि सिगां बे'गालुरुआव गावनि हान्जानि सा 10 गेलेगिरिफोरजों हारिमायारि थाखोनि थियारिआवबो ओंखारदों। मख'नाय जायोदि, भारत आरो ताजिकिस्तानआ सिगां समाव खेबबा गावजों गाव बादायलायखांबाय। जायनि फारिआव मिडिल एसियान हादरआ खेबथाम देरहादों। भारतनि हान्जाया ताजिकिस्ताननि हें थायै खेबसेल' मेचखौ एएफसि सेलेन्जार्स काप 2008 नि फाइनालाव मोन्दों।□

आसामनि बेतकुचि गोजौ फरायसालिआ सुब्रत' कापनि बिमुं देरहादों



29 मिनटआव गल सोदों। बेराफासँ सोनाब बंगनि जानानै नेहा बारइआ 21 मिनटआव गल सोदोंब्लाबो गुबुन गेलेगिरिनि मोनबो मदद मोनाखै। मख'नाय जायोदि, गिबि खेब महरै आसामनि हान्जाया सुब्रत' कापनि हिन्जावसाफोरनि केटेगरिआव बिमुं देरहादों। बे टुर्नामेन्टनि फाइनाल बादायनायाव एयार

मार्शेल नामदेस्वर तिउवारनि अनगायै एयार मार्शेलनि माखासे बिबानगिरिफोरा गाहाइ आलासि महरै नुजाथिहैदों। अर्जुन बान्थाजों मान होजानाय आरो अलिम्पिक गल्ड मेडलिस्ट नवदीप सिंहआ जेभलिन खुबैनायाव रेंगथि गोनां महरै बेहाबाफारिआव बाहागो लानानै गेलेगिरिफोरखौ थुलुंगा हैदों। जेराव आसामनि हान्जाया

गोदान दिल्ली, 29 आगस्ट: भारतनि गल्डेन बय निरज चप्राआ डाइमन्ड लीग फाइनाल 2025 आव नैथि मासिआव जायगा आवग्रिनानै डाइमन्ड लीगआव लान्थ्रियै थामथि रुफानि मेडेल देरहादों। जायनि फारिआव चप्राआ 85.01 मिटर जान्थाय खुबैदों। सुइजारलेन्डनि जुरिक सहरआव थानाय लेडजी युन्ड स्टेडियामआव जालांनाय फाइनालआव जार्माननि जुलियान वेभारआ 91.51 मिटर जान्थायजों सनानि मेडेल देरहादों आरो त्रिनिदाद एन्ड टबेग'नि केशर्ण वाल्काटआ 84.95 मिटर जान्थायजों ब्रन्ज मेडेल देरहादों। निरजआ गिबि नाजानायाव 84.35 मिटर जान्थाय खुबैनायनि उनाव नैथिआव 82 मिटरल' खुबैदों। बेनि उनाव निरजआ लान्थ्रियै खेबथाम पाउल खालामनायनि उनावसो 85.01 मिटर



जान्थायजों नैथि मासिआव थादों। निरजआ बेनि बोसोरथाम सिगां थामहिनबा 2022 आव बे स्टेडियामआव जालांनाय डाइमन्ड लीगनि फाइनालआव गिबि मासिआव जायगा आवग्रिनायनि उनाव 2023 आरो 2024 आव रानासँआप जानो हादों। सोलिफु सिजनआव निरजआ गासै खेब 7 इभेन्टआव बाहागो लानायनि फारिआव खेबब्रै सेम्पियन आरो खेबथाम रानासँआप जाबाय। थानाय मे दानआव दहाआव

निरजआ 90.23 मिटर जान्थायखौ गिबियै दाहैजेन्नो हादों। जेराव बेनि सिगां चप्रानि साबसिन दिन्थिफुंनया डाइमन्ड लीग 2024 आव 89.94 मिटर जान्थाय खुबैनायमोन। नाथाय निरजआ दहा डाइमन्ड लीगआव नैथि मासिआवसो थादों। जेराव जार्माननि जुलियान वेभारआ 91.06 मिटर जान्थायजों गिबिआव आरो ग्रेंनेडानि पिटासँ एन्डासँनआ 85.64 मिटरजों थामथिआव थादों।□

बेदाब्रत भरालीआ जुनियर वेटलिफ्टआव रेकर्डजों सनानि मेडेल देरहादों

गुवाहाटी, 29 आगस्ट: आसामनि वेटलिफ्टर बेदाब्रत भरालीआ कमनवेल्थ वेटलिफ्टि सेम्पियनसिपआव गोख्रोडै दिन्थिफुंदों। आहमेदाबादआव जालांनाय बे सेम्पियनसिपनि जुनियर केटेगरिआव बिथाडा मेडेल देरहानानै राइज्योनि मुंखो गोजौआव लाखिदों। 79 कि:ग्रा: लिस्थायारि केटेगरिआव ओंखारनाय बेदाब्रतआ सनानि मेडेल देरहानाय फारिआव गोदान रेकर्ड' सोरजिदों। जायनि फारिआव बिथाडा स्नेशआव 145 कि:ग्रा: आरो क्लीन एन्ड जार्क आव 181 कि:ग्रा: लिस्थाय दैख्दां। थानहिनबा बिथाडा गासै 326 कि:ग्रा:



लिस्थायजों रेकर्ड' सोरजिनानै बे मेडेलखौ देरहादों। आसामनि जानानै बाथि वेटलिफ्टर महरै भारतनि जानानै गेलेनाय भेदाब्रतनि थाखाय बे सेम्पियनसिपनि सिजनआ थारैनो गोसोखांथावना। जेराव बिथाडा गावनि बे खाबुखौ मोन्नायजों मेडेल देरहानानै राइज्यो आरो हादरनि मुंखौ गोजौआव लाबोदों।□

एसिया हकी कापआव मालएसियाआ बांलादेशखौ फेजेन्नायजों जागायदों



मिनिटआव बांलादेशआ फेनालिट कर्नारनि खाबु मोन्दोंब्लाबो मुलाम्फा लानो हायाखै। नाथाय नैथि क्वार्टरनि

16 मिनिटआव बांलादेशनिफ्राय इस्लाम आसारफुलआ गल सोनानै हान्जाखौ आवगायहोजेन्दों। अब्लाबो

मेचि 23 मिनटआव मालएसियानि जानानै हामसानी असरनआ समान स्करनि गल सोफिन्दों। जायनि उनाव हाफ समसिमआव मेचआ 1-1 गलआव समानआव थाहैदों। थामथि क्वार्टरनि 35 मिनिटआव मालएसियानि अनवार आकिममुल्लाआ गल सोनानै हान्जाखौ आवगायहोजेन्नाय उनाव 45 मिनिटआव आब्रुदु राफ मुजाहिरआ थामथि गल सोदों। ब्रैथि

क्वार्टरआव बांलादेशआ लान्थ्रियै फेनालिट कर्नारनि खाबु मोन्दों। नाथाय अब्लाबो गलनि महर होनो हायाखै। बेबादि थासारियावनो मालएसियानि सलन सैयदआ जोबथा क्वार्टरआव ब्रैथि गल सोनानै देरहानायखौ रोखा खालामदों। आबुं मेचनि गेजेरावनो बांलादेशनि हान्जाया मोनबो मुलाम्फ मोनाखै। मानोना मालएसियाआ डिफेन्स आरो गल किपार मोननैबो बिथिडव गोख्रोडै दिन्थिफुंदों।□

भेनासआ आमेरिकान अपेननि आइजो जावजायाव गिबि मेच देरहादों

वाशिंग्टन, 29 आगस्ट: मुंदांखा टेनिस गेलेगिरि आरो खेब 14 ग्रेन्डस्लेम सेम्पियन भेनास उडिलियामसआ गावनि बिनानाव सेरेनानि बाहागो गैयैआव थानाय 14 बोसोरनि गेजेराव गिबि खेब आमेरिकान अपेनआव आइजो जावजानि मेचआव देरहादों। बेराफासे जापाननि नाअमी असाकाआ 2021 नि उनाव गिबि खेब आमेरिकान अपेननि थामथि राउन्डआव सौहैनाय लामायाव हेलि बाप्तिस्तेखौ 6-3, 6-1 स्करआव फेजेन्दों। लेला फार्नान्डिजजों लोगोसे उडिलियामसआ 6 थि रेंकिनि एनसिकेनक आरो एलेन टेरेजनि जराखौ 7-6, 6-3 स्करआव फेजेन्दों। 45 बोसोरनि भेनास आरो लेलानि सायाव नायगिरिफोरा बे समाव फारफ्रोमर्थिबों हेफाजाब हददों। भेनासआ नाथाय सिंगेल केटेगरिनि गिबि राउन्डआवनो जेन्नादों। जायनि उनाव बिथाडा 2022 नि उनाव जावजा केटेगरिआव ओंखारदों। असाकाआ गावनि मोनब्रैबो ग्रेन्डस्लेमखौ हार्डकर्टआव देरहादों। जायनि फारिआव खेबनै आमेरिकान अपेन आरो खेबनै अस्ट्रेलियान अपेननि देरहानाया दड। 2020 आव जोबथा खेब बिथाडा बेयाव



बिमुं देरहादों। जायनि उनाव 2021 आव थामथि आरो 2022 आव गिबि आरो 2024 आव नैथि राउन्डनिफ्राय बाइजोनि लामा लानादों। उडम्बल्डन सेम्पियन स्वियातेकआ नेडारलेन्डनि 66 थि रेंकिनि सुजेन लामेन्सखौ 6-1, 4-6, 6-4 स्करआव फेजेन्दों। बेराफासँ उडम्बल्डनआव हौवाफोरनि सिंगेल बिमुं देरहानाय यानिक सिनारआ अलिक्से पपिरिखौ 6-3, 6-2, 6-2 स्करआव फेजेन्दों।□